

2021 Rhif (Cy.)

TRAFFIG FFYRDD, CYMRU

Gorchymyn Cefnffordd yr A465 (Brynmawr, Blaenau Gwent i Lanbaiden, Sir Fynwy) (Clirffordd) 2021

Gwnaed 28 Hydref 2021

Yn dod i rym 1 Tachwedd 2021

Mae Gweinidogion Cymru, sef yr awdurdod traffig ar gyfer y darn perthnasol o Gefnffordd yr A465, a thrwy arfer y pwerau a roddir iddynt gan adrannau 1(1), 2(1) a (2) o Ddeddf Rheoleiddio Traffig Ffyrdd 1984(1), yn gwneud y Gorchymyn hwn.

Mae Gweinidogion Cymru wedi ymgynghori â Phrif Swyddog Heddlu Gwent ac wedi rhoi hysbysiad cyhoeddus o'u bwriad i wneud y Gorchymyn hwn yn unol â rheoliadau 5(1) a 6(1) o Reoliadau Gorchymynion Traffig yr Ysgrifennydd Gwladol (Gweithdrefn) (Cymru a Lloegr) 1990(2).

Enwi a Chychwyn

1. Enw'r Gorchymyn hwn yw Gorchymyn Cefnffordd yr A465 (Brynmawr, Blaenau Gwent i Lanbaiden, Sir Fynwy) (Clirffordd) 202- a daw i rym ar 1 Tachwedd 2021.

Dehongli

2. Yn y Gorchymyn hwn:

-
- (1) 1984 p. 27; diwygiwyd adrannau 1(1), 2(1) a (2) gan adran 168 o Ddeddf Ffyrdd Newydd a Gwaith Stryd 1991 (p. 22) a pharagraffau 17 a 18 o Atodlen 8 iddi. Diwygiwyd adran 1(1) gan baragraff 36(1) o Atodlen 22 i Ddeddf yr Amgylchedd 1995 (p. 25). Yn rhinwedd O.S. 1999/672, ac adran 162 o Ddeddf Llywodraeth Cymru 2006 (p. 32) a pharagraff 30 o Atodlen 11 iddi, mae'r pwerau hyn yn arferadwy bellach gan Weinidogion Cymru o ran Cymru.
- (2) O.S. 1990/1656, fel y'i diwygiwyd gan O.S. 2020/802 (Cy. 175). Yn rhinwedd O.S. 1999/672, ac adran 162 o Ddeddf Llywodraeth Cymru 2006 (p. 32) a pharagraff 30 o Atodlen 11 iddi, mae'r pwerau hyn yn arferadwy bellach gan Weinidogion Cymru o ran Cymru.

ystyr “y gefnffordd” (“*the trunk road*”) yw cefnffordd yr A465 Castell-nedd i’r Fenni.

Gwaharddiad

3. Ac eithrio fel a ddarperir yn erthygl 4, ni chaiff neb beri na chaniatáu i unrhyw gerbyd stopio ar y darnau o’r gefnffordd a bennir yn yr Atodlen i’r Gorchymyn hwn.

Esemptiadau

4. Nid oes dim yn erthygl 3 yn gwahardd cerbyd rhag stopio ar y darnau o’r gefnffordd a bennir yn yr Atodlen i’r Gorchymyn hwn cyhyd ag sy’n angenrheidiol i alluogi:

- (a) y cerbyd i gael ei ddefnyddio mewn cysylltiad ag unrhyw un neu ragor o’r gweithrediadau a ganlyn:
 - (i) gwaith adeiladu, gwaith diwydiannol neu waith dymchwel;
 - (ii) symud unrhyw rwystr i draffig;
 - (iii) cynnal a chadw, gwella neu ailadeiladu’r darnau hynny o’r gefnffordd;
 - (iv) gosod, codi, addasu neu atgyweirio, yn y darnau hynny o’r gefnffordd, neu mewn tir cyfagos, unrhyw garthffos neu unrhyw brif bibell, unrhyw bibell neu unrhyw gyfarpar ar gyfer cyflenwi nwy, dŵr neu drydan neu unrhyw gyfarpar cyfathrebu electronig fel y’i diffinnir ym mharagraff 5 o Atodlen 3A i Ddeddf Cyfathrebiadau 2003⁽¹⁾;
- (b) y cerbyd i gael ei ddefnyddio yng ngwasanaeth awdurdod lleol neu awdurdod dŵr yn unol â swyddogaethau statudol;
- (c) y cerbyd i gael ei ddefnyddio at ddibenion y frigâd dân, y gwasanaeth ambiwlans neu’r heddlu; a,
- (d) y cerbyd i stopio pan fo’r person sydd â rheolaeth arno’n gwneud y canlynol:
 - (i) pan fydd yn ofynnol yn ôl y gyfraith iddo stopio;
 - (ii) pan fydd yn gorfod stopio er mwyn osgoi damwain;
 - (iii) pan gaiff ei rwystro rhag mynd yn ei flaen; neu
 - (iv) pan fydd yn gweithredu yn ôl cyfarwyddyd neu â chaniatâd cwnstabl heddlu, swyddog cymorth cymunedol yr heddlu neu swyddog gorfodi sifil.

(1) 2003 p. 21. Mewnosodwyd Atodlen 3A gan baragraff 1 o Atodlen 1 i Ddeddf yr Economi Ddigidol 2017 (p. 30).

Llofnodwyd ar ran y Dirprwy Weinidog Newid Hinsawdd, wrth weithredu o dan awdurdod y Gweinidog Newid Hinsawdd, un o Weinidogion Cymru.

Dyddiedig 28 Hydref 2021



Nicci Hunter
Arweinydd y Tîm Busnes
Llywodraeth Cymru

YR ATODLEN

Y darnau o'r cerbytyffyrdd tua'r dwyrain a thua'r gorllewin o bwynt 312 o fetrau i'r gogledd-orllewin o ganolbwynt Pont Droed Hafod hyd at bwynt 510 o fetrau i'r dwyrain o ganolbwynt Tanbont Glanbaiden.

Y darnau o ffyrdd ymadael ac ymuno tua'r dwyrain y gefnffordd wrth Gyffordd Brynmawr hyd at Gylchfan Main Road, gan gynnwys y gerbytyffordd gylchredol o'r enw Cylchfan Main Road.

Y darn o gefnffordd 14 o fetrau o hyd wrth gyffordd Cylchfan Main Road sy'n arwain i Hen Ffordd y Fenni.

Y darn o gefnffordd 9 metr o hyd wrth y gyffordd oddi ar Main Road sy'n arwain i Hafod Road.

Y darn o'r gefnffordd sy'n arwain o Main Road, o'r enw Mynedfa'r Ysgol, hyd at ben dwyreiniol y gilfan danfon/casglu ar gyfer yr ysgol.

Y darnau o ffyrdd ymadael ac ymuno tua'r gorllewin y gefnffordd wrth Gyffordd Brynmawr hyd at Gylchfan Brynmawr.

Y darn o'r gefnffordd (Ffordd Gyswllt Main Road) o Gylchfan Brynmawr hyd at Gylchfan Main Road.

Y darn o ffordd ymadael tua'r dwyrain y gefnffordd wrth Gyffordd Saleyard sy'n ymestyn o gerbytyffordd tua'r dwyrain yr A465 hyd at bwynt 20 metr i'r de-orllewin o linell ildio'r gyffordd.

Y darn o ffordd ymuno y gefnffordd wrth Gyffordd Saleyard sy'n ymestyn o bwynt 40 metr i'r dwyrain o fan cychwyn y llain galed fewnol hyd at gerbytyffordd tua'r dwyrain yr A465.

Y darn o dapr ymadael tua'r gorllewin y gefnffordd wrth Gyffordd Saleyard sy'n ymestyn o gerbytyffordd

tua'r gorllewin yr A465 hyd at bwynt 20 metr i'r gogledd o linell ildio cyffordd Station Road.

Y darn o dapr ymuno tua'r gorllewin y gefnffordd wrth Gyffordd Saleyard sy'n ymestyn o bwynt 20 metr i'r gogledd o linell ildio cyffordd Station Road hyd at gerbyttfordd tua'r gorllewin yr A465.

Y darn o dapr ymrannu ategol tua'r dwyrain y gefnffordd wrth Gyffordd Gilwern sy'n ymestyn o gerbyttfordd tua'r dwyrain yr A465 hyd at bwynt 21 o fetrau i'r de-orllewin o linell ganol cyffordd Station Road, Gilwern.

Y darn o dapr uno ategol tua'r dwyrain y gefnffordd wrth Gyffordd Gilwern sy'n ymestyn o bwynt 21 o fetrau i'r de-orllewin o linell ganol cyffordd Station Road, Gilwern hyd at gerbyttfordd tua'r dwyrain yr A465.

Y darnau o ffyrdd ymadael ac ymuno tua'r dwyrain y gefnffordd wrth Gyffordd Glanbaiden sy'n ymestyn o gerbyttfordd tua'r dwyrain yr A465 hyd at gerbyttfordd gylchredol Cylchfan Glanbaiden.

Y darnau o ffyrdd ymadael ac ymuno tua'r gorllewin y gefnffordd wrth Gyffordd Glanbaiden sy'n ymestyn o gerbyttfordd tua'r gorllewin yr A465 hyd at gerbyttfordd gylchredol Cylchfan Glanbaiden.